



Esp. kodea: 2024EDIR0008
Titularra: ARKODI KULTUR ELKARTEA

Gaia: 2024ko dirulaguntza eskaera, mondraberri.eus
egitasmoa sustatzeko

Hitzarmena

Arrasateko Udalaren eta Arkodi elkartearen arteko hitzarmena, Mondraberri.com webgunea elkarlanean antolatzeke eta finantzatzeko

Bildurik

Alde batetik, Iker Arana Fernandez jauna, NA 72.584.357Z duena, adinez nagusia, Arkodi elkartearen izenean eta errepresentazioz.

Eta bestetik, Maider Morras Azpiazu, Arrasateko Udalaren alkate-udalburua, haren izenean diharduena, horretarako behar bezala ahaldundua dago eta.

Bi aldeek hitzarmena egiteko eskuduntza eta gaitasuna aitortzen diote elkarri.

Lege testuingurua

Euskararen Erabilpena Arauzkotzeko azaroaren 24ko 10/1982 Oinarrizko Legeak herritarren hizkuntza eskubideak aitortu eta herri-agintek hizkuntzaren alorrean dituzten betebeharrak ezartzen ditu. Albisteak eta informazioa euskaraz jasotzeko eskubidea aitortzen die herritarrei, besteak beste. Lege horren arabera, beraz, Euskal Herriko herri-agintek –eta, zehazkiago esanda, udalek– euskara zabaltu eta zabaltzen laguntzeko obligazioa dute, bai eta komunikabideen arloan ere.

Horretaz gain, 2/2016 Legeak, apirilaren 7koa, Euskadiko Toki Erakundeei buruzkoak, 7. artikuluan zehazten du udalei izendatzen zaiela, eskumen propio gisa, izendatuta dauzkaten arloetako zerbitzu eta jardueretan euskararen erabilera sustatzeko eta euskararen normalizazioa planifikatzeko eskumena.

Azalpenak

Azken urteotan Arrasaten eta Debagoienean herri eta eskualde komunikabideen alde egindako lan eta ahaleginaren fruitu emankor bilakatu dira herritarrengandik hain harrera ona eta beroa jaso duten Goiena eta Goiena Telebista eta, oraintsuago, interneten Arrasateko atari bihurtu den *Mondraberri* egunkari digitala.

Mondraberri webgunea Portaloi elkarteak sortu zuen 2004ko azaroan; harrezkero, egunero-egunero jardun du herriko albiste eta gorabeherak internetez zabaltzen, modu horretara beste ekarpen bat eginez gure herriko informazio alorrera. Aintzat hartzeko moduko ekarpena da, denetariko gaiak jorratzen baititu, internet erabiliz. Hainbat urtetan Portaloi elkarteak Mondraberri agerkari digitala kudeatzen aritu ondoren, 2013an, Arkodi elkarteak hartu zuen bere gain.

Horren guztiaren ondorioz, euskarari eta herriko errealitatearen informazioari mesede egiten dio Mondraberri egitasmoa, Arrasateko Udalaren ustez.

Udalak modu positiboan hartzen du Mondraberri egiten duen lana, eta hori guztia dela eta, hitzarmen hau izenpetzen dute, ondorengo klausulen arabera:

Kodea	BD24/00004	Udala	Arrasate/Mondragón	
CUDO	000.0055.AAA11AMX.M.1W2g			
URL	https://uzt.gipuzkoa.eus/PortalV/r/eu/55/AAA11AMXM.1W2g			
Dokumentu hau elektronikoki sinatu da. Honen balioa egiaztatzeko, sartu zaitetz webgunean edo irakurri ezazu QR irudia.				



Esp. kodea: 2024EDIR0008
Titularra: ARKODI KULTUR ELKARTEA

Gaia: 2024ko dirulaguntza eskaera, mondraberri.eus
egitasmoa sustatzeko

Klausulak

Lehena.- Hitzarmen honen helburua da, 2024 urtean, Arkodi elkarteak eta Arrasateko Udalak elkarlanean egingo dituzten jardueretarako dirulaguntza xedatzea, Mondraberri komunikazio proiektua babesteko.

Bigarrena.- Hitzarmen honen bidez Mondraberriren jarduerak diruz lagunduko ditu Arrasateko Udalak, eta hitzarmen honetan ezarritakoaren arabera egingo ditu Mondraberrik jarduera horiek.

Hirugarrena.- Arrasateko Udalak, 2024 urtean, 30.000 €-ko dirulaguntza emango dio Arkodi elkarteari, Mondraberri webgunearen jarduerak finantzatzeko. Hitzarmen hau sinatu eta berehala jasoko du dirulaguntzaren % 60; gainerakoa, zuritutakoan.

Laugarrena.- Mondraberrik konpromiso hauek hartzen ditu:

- Mondraberrik berak landuko dituen informazio eta eduki guztiak euskaraz emango ditu argitara.
- Arrasateko Udalaren jardueren informazioa emango du, objektibotasunez nahiz zuzentasunez.
- Zabaltasunez jokatu du informatzerakoan, errealitatearen ispilu izanik, batzuei eta besteei leku duina eginez.
- Herriko kulturgintzak eta kirol munduak tratu berezia jasoko dute Mondraberri, elkarbizitzarako duten garrantzia kontuan izanik.
- Mondraberrik autofinantzaketa mailan gora egiteko politika eraginkorrak sustatuko ditu.
- Urteko ekintzen azalpen memoria aurkeztuko du Mondraberrik datorren 2025ko urtarrilaren 15a baino lehen, bai eta proiektuaren finantza egoera ere (egoeraren balantzea zein galera eta irabazien kontua)

Bosgarrena.- Koordinazio mekanismoak eratuko dituzte bi aldeek, erabakiak hartu aurretik adostasuna lortzea beharrezkoa den kasuetarako. Koordinazio mekanismo gisa, bitariko batzordea eratzea adosten da, hitzarmen honen betetze eta interpretazioan sor daitezkeen arazoak ebazteko zereginarekin. Batzorde hori osatuko dute Euskara saileko zinegotzi eskuordetuak eta Mondraberriko ordezkariak.

Seigarrena.- Arrasateko Udala babesle moduan agertuko da, bai Mondraberri bai eta ekintza horien kartel iragarleetan ere.

Zazpigarrena.- Hitzarmen honen iraunaldia amaituko da Arrasateko udalak aurkeztutako zuriaketaren ondorengo ebazpena hartzen duenean.

Zortzigarrena.- Alderdiek ez badituzte dagozkien betebeharrak betetzen, hitzarmena bertan behera uzteko prozedura hasiko da. Hala gertatuko balitz, hitzarmena bete duen alderdia geratuko da bere betebeharrak betetzetik salbu.

Eta horrela jasota uzteko eta adostasuna adierazteko, hitzarmen hau egin eta izenpetzen dute bildutakoek.

Arrasateko alkate-udalburua

Iker Arana Fernandez
Arkodi elkarteko lehendakaria

Kodea	BD24/00004	Udala	Arrasate/Mondragón
CUDO	000.0055.AAA11AMX.M.1W2g		
URL	https://uzt.gipuzkoa.eus/PortalV/r/eu/55/AAA11AMXM.1W2g		
Dokumentu hau elektronikoki sinatu da. Honen balioa egiaztatzeko, sartu zaitetz webgunean edo irakurri ezazu QR irudia.			

